



ШИНЭ **МОНГОЛ**

ESTD 2000

ЕРӨНХИЙ БОЛОВСРОЛЫН СУРГУУЛЬ

Бага ангийн сурагчдын эцэг эхчүүдэд зориулсан

Гарын авлага 2026-2027





Хуудасны
№

Агуулга

- 1 Захирлын мэндчилгээ
- 2 Шинэ Монголын үзэл санаа
- 3 Шинэ Монгол-3 сургуулийн алсын хараа, эрхэм зорилго
- 4 Шинэ Монгол-3 сургуулийн 5Б үнэт зүйлс
- 5 Төгсөгчийн загвар
- 6 Хөтөлбөрийн онцлог
- 7 Аргазүйн онцлог
- 8 Дугуйлан секцүүд
- 9 Сурагчдын зөвлөл
- 10 Өдрийн хуваарийн ерөнхий төлөвлөгөө (жишээ)
- 11 Сургуулийн автобусны мэдээлэл
- 12 Хичээлд бэлтгэх зөвлөмж
- 13 Зуны амралтаар юуг сурч ирэх вэ?
- 14 Хичээлийн хэрэгсэл
- 15 Дүрэмт хувцас
- 16 Эрүүл хооллолтын бодлого, өдрийн хоолны мэдээлэл
- 17 Эцэг эх, асран хамгаалагчийн оролцоо

Шинэ Монгол-3 сургуульд тавтай морил

Хүндэт эцэг эх, асран хамгаалагчдаа

Та бүхэн гэр бүлийнхээ хамгаас үнэт эрдэнэ болсон хүүхдээ бидэнд итгэн даатгаж, Шинэ Монгол 3 сургуулийг сонгосонд гүн талархал илэрхийлье.

Манай сургууль хүүхэд бүрийг өөрийн гэсэн авьяас, онцлогтой, хөгжлийн өвөрмөц замтай хувь хүн гэж үздэг. Тийм ч учраас хүүхэд бүрт тэрхүү үрээ нээн илрүүлэхэд нь зориулж урам зориг, эрэл хайгуул дүүрэн орчинг бүрдүүлэн, өөрийнхөөрөө суралцаж, хөгжихөд нь бүх талаар дэмжсэн соёлыг бүтээхийг зорьж байна. Бид сурагчдыг зөвхөн академик мэдлэгтэй төдийгүй, өөрийн бие сэтгэл болон бусдыг ойлгох ухаантай, сэтгэл зүйн хувьд тогтвортой, ёс зүйтэй, энэрэнгүй, хариуцлагатай, нийгмийн идэвхтэй, хэсүү, зоригтой, бүтээгч иргэн болж төлөвшихөд нь дэмжиж, чиглүүлэн ажиллана.

2025-2026 оны анхны хичээлийн жилд шинэхэн хичээлийн байраа багш сурагчид өөрсдийн гараар тохижуулан нээж амжилттай хичээлийн жилийг эхлүүлсэн. Одоогоор 500 гаруй сурагч, 62 багш ажилтантай хамт олноо бүрдүүлээд байна. Ирэх 2026-2027 онд нийт 1-11-р ангид 1000-аад сурагчтай сургууль болох төлөвлөгөөтэй байна. “Шинэ Монгол” сургуулийн гурав дахь салбарын хувьд бид зөвхөн барилга байгууламжаараа бус, орчин үеийн боловсролын үзэл баримтлал, хүүхдийн хөгжилд хандсан шинэ санаачилгаар ч шинэлэг байхыг зорьж байна.

Энэхүү зорилгын хүрээнд бид хөтөлбөрөө хүүхдийн сонирхлыг өдөөн хөгжүүлэх, бүтээлчээр сэтгэх, бие даан суралцах, шийдвэр гаргах чадварт төвлөрүүлж боловсруулсан бөгөөд эцэг эх, асран хамгаалагчдад хамгийн боломжит бага зардлаар хүргэхийг хичээн ажиллаж байна.

Хүүхдийн тань сурч хөгжих, эргэн тойрондоо эерэг нөлөө үзүүлэгч иргэн болон төлөвших, хөршийн холбоонд суурилан амьдралын эрүүл боловсон хэв маяг, найрсаг харилцаагаар дамжуулан та бид бүгд тасралтгүй хөгжих энэхүү замыг хамтдаа эхлүүлж буйдаа бид туйлын баяртай байна.

Та бүхний итгэл, оролцоо бидний хамгийн үнэтэй түншлэл юм.



Хүндэтгэсэн,

Захирал

Галбадрахын СУУРЬ, PhD



Үзэл санаа,
Алсын хараа,
Эрхэм зорилго,
Үнэт зүйлс



Шинэ Монголын ҮЗЭЛ САНАА

Бид монгол, япон хүмүүсийн хамтын хичээл зүтгэл, нинжин сэтгэл, өгөөмөр тусламжийн дүнд бий болсон “Шинэ Монгол” сургууль, “Шинэ Монголчууд” нэрээр овоглосон Монгол Улсынхаа ирээдүйг үүрэлцэж, дотоод гадаадад түүчээлж буй өндөр чадвартай, итгэл даах хүн бүрийн зүрхэнд шингэсэн үзэл санааг “Шинэ Монгол 3” сургуульдаа өвлөн уламжилж байна.

1. Дэлхийд үнэлэгдэх монгол иргэн болж төлөвшихийн тулд зүрх сэтгэл, оюун ухаан, бие бялдраа дайчлан **өөрийгөө хөгжүүлсү**.
2. Бусдад туслах, талархах сэтгэлээс аз жаргал үүддэгийг санаж, **өрөөлд аз жаргал бэлэглэн, өөрийн аз жаргалыг дархалж явсу**.
3. Агуу түүх бүтээсэн эцэг өвгөд, амжилтын эзэд болсон номын ахан дүүсээ дээдэлж, шударга ёс, хүн байгалийн шүтэн барилдлага, хүмүүн төрөлхтөний эв нэгдэл, энхтайвныг эрхэмлэсэн **Монгол улсыг цогцлоосу**.

Шинэ Монгол 3 бидний

АЛСЫН ХАРАА

“Монгол хүүхдийн амин чанарыг аз жаргалаар тэтгэн хөгжүүлдэг, тасралтгүй суралцах жишиг сургууль байна.”

ЭРХЭМ ЗОРИЛГО

“Өөрийгөө таньж өрөөлд үлгэрлэх хэрсүү зоригтой, шинэ үнэ цэнийг бүтээгч эрдэмтэн иргэдийг бэлтгэхийг зорьж ажиллана.”

Шинэ Монгол-3 сургуулийн 5Б ҮНЭТ ЗҮЙЛС

Бид алсын хараа, эрхэм зорилгоо өдөр тутамдаа марталгүйгээр, үг, үйлдэл, шийдвэр бүртээ санаж явахын тулд дараах үнэт зүйлсэд тулгуурласан байгууллагын дадал соёлыг бий болгохыг зорьж ажиллана.

Эдгээрийг багш ажилтнууд, хүүхдүүд, эцэг эх асран хамгаалагчид, цаашлаад хотхоны оршин суугчид маань эн тэнцүү ойлгодог, хүндэтгэдэг, баримталдаг болсноор бид нэгдсэн зорилго руугаа чиглэн урагшилж чадах юм.

01 БҮРЭН ТӨЛӨВШИХҮЙ

- **Өөриймсөг хандах:** Аливаад эзэн сэтгэлээр, ухамсар хариуцлагатай
- **Өөрийгөө удирдах:** Сэтгэл хөдлөлөө удирддаг, сэтгэлийн хаттай, тууштай, эрүүл амьдралын дадалд суралцсан
- **Өөрийн нөөц өгөгдлийг тэтгэх:** Өөрт заяасан өгөгдөл, авьяас, ур чадвар, оюун ухаан, зан чанараа танин мэдэж, хөгжүүлэн төлөвшинө.

02 БАЙНГЫН СУРАЛЦАХҮЙ

- **Шинэчлэх ухаан:** Аливаад эргэлзэх, асуулт тавьж, шимтэн сониучирхаж, өөр өнцгөөс харах
- **Шинжлэх ухаан:** Сонирхсоноо гүнзгийрүүлэн судлах, мэдлэгээ тэлж туршлага хуримтлуулах
- **Шийдэх ухаан:** Бодит амьдралд мэдлэгээ хэрэгжүүлэх, туршлагаа ухаарал болгон хувиргах

03 БУСДАД ҮЛГЭРЛЭХҮЙ

- **Хариуцлагатай:** Зөв бурууг ялган, өөрийн үйлдэлд эзэн болох хариуцлагатай
- **Хүнлэг:** Хүнийг ойлгох, анхаарах, халамжлах сэтгэлтэй
- **Хүндлэл хүлээсэн:** Хэрсүү зоригтой, нийтэд хүлээн зөвшөөрөгдөн итгэл олсон

04 БҮГДЭД ЗОХИРОХҮЙ

- **Ээлтэй:** Өөртөө, бусдад болон байгальдаа ээлтэй
- **Эвтэй:** Бүх харилцаанд хүндэтгэлтэй, эвтэй
- **Эерэг:** Бусдад талархалтай, эерэг хандлагатай

05 БҮГД ХҮРТЭХҮЙ

- **Ил тод байдал:** Бүхий л мэдээлэл, шийдвэр, үйл явц ил тод, итгэлцэл дээр суурилсан
- **Ижил тэгш байдал:** Хэнийг ч гарал үүсэл, нөхцөл байдал харгалзахгүйгээр тэгш хүндэлж, харилцах
- **Идэвх:** Хүн бүрийн дуу хоолойг сонсож, идэвх оролцоог дэмжих



Төгсөгчийн загвар

“Тэр зөвхөн сайн сурсан биш, сайн нийгмийг бүтээдэг иргэн юм.”

Бид таны хүүхдийн дахин давтагдашгүй онцлогийг хүлээн зөвшөөрч, сурч хөгжих онцлогт **ТОХИРСОН** арга барилыг ашиглахыг зорино. Харин хэзээд өөрийн замыг зөв чиглүүлж, өөрийнхөөрөө гэрэлтэн утга учиртай амьдрахад дараах шинж чанаруудыг бид чухал хэмээн итгэдэг тул Шинэ Монгол-3 сургуулийн төгсөгчид дараах шинж чанараар ижилсэх болно.



ХҮНЛЭГ
COMPASSIONATE



ЁС ЗҮЙТЭЙ
ETHICAL



ЗОРИГТОЙ
COURAGEOUS



СОНИУЧ
CURIOUS



Шүүн тунгаадаг
INQUIRER



БҮТЭЭГЧ
CREATOR



Бусдыг ойлгож, халуун сэтгэлээр ханддаг **ХҮНЛЭГ**,

ямагт зөвийг эрхэмлэгч, шийдвэр бүртээ хариуцлагатай **ЁС ЗҮЙТЭЙ**,

хэзээд суралцахыг сонгодог, тасралтгүй

суралцагч сониуч зантай,

эрсдлээс айж хувийн амрыг хардаггүй, шинийг эхлүүлэхээс айдаггүй хэрсүү

ЗОРИГТОЙ, өөрийнхөөрөө гэрэлтэж, бусдад эергээр нөлөөлөхүйд бэлэн, зорьсон сургуульдаа ч зорьсон ажилдаа ч

БЭЛТГЭГДСЭН,

мөрөөдлөө бодит болгох чадвартай, шинэ үнэ цэнийг **БҮТЭЭГЧ** байна.



Хөтөлбөр & Аргазүйн онцлог



- ХӨТӨЛБӨРИЙН ОНЦЛОГ
- АРГАЗҮЙН ОНЦЛОГ
- ДУГУЙЛАН, СЕКЦ, ЗӨВЛӨЛҮҮД

Хөтөлбөрийн ОНЦЛОГ

- Бага боловсролын цөм хөтөлбөр
- Монгол хэл, Математик хичээлийн баяжуулсан хөтөлбөр
- Хувь хүний хөгжил, зүрх сэтгэлийн боловсрол олгох олон улсын "SEE" хөтөлбөр
- Мэргэжлийн багшийн бэлтгэж хэрэгжүүлэх "Илэрхийлэх ур чадвар"-ын хөтөлбөр
- Гимнастикийн ОУ-ын хэмжээний мастер Ч.Энхтүвшин багшийн "Бие бялдрын ерөнхий 12 чанар" биеийн тамирын хөтөлбөр
- 1,2,3-р ангид мэргэжлийн багшийн удирдлагаар хичээллэх бүжгийн хичээлийн хөтөлбөр
- 1,2,3-р ангид мэргэжлийн багшийн удирдлагаар хичээллэх шатрын хичээл
- 4,5-р ангиас англи хэлний хичээлийн олон улсын OXFORD хөтөлбөр
- Дүрслэх урлаг, эрүүл мэнд, Хүн ба байгаль, Хүн ба нийгэм, Хөгжмийн хичээлүүд мэргэжлийн багшийн удирдлага дор баяжуулсан хөтөлбөрөөр хэрэгжинэ.



Манай бага сургуулийн онцлох хөтөлбөрүүд:



Аргазүйн ОНЦЛОГ

“Хүүхэд төвтэй” арга зүй



01 Суралцах хүсэл эрмэлзлийг асаана

Сурагч бүрийг өөрийнх нь тавьсан зорилго, хүсэл мөрөөдлөөр нь чиглүүлэхийн тулд хичээлийн шинэ жилд хүүхэд нэг бүрийн зорилгыг тодорхойлуулна. Багш нар түүнд хүрэх үйлдлийг бус хүрэх замыг чиглүүлдэг байна Сурагч өөрөө өөрийгөө удирдан суралцана.



03 Дасгалын цагтай сургууль

Шинэ Монгол-3 сургууль нь их завсарлагааны цагаар өдөр бүр 15 минут гаргаж, сургууль нийтээрээ дасгал хийж, их завсарлагааны цагийг гаргаснаар хүүхдийн хөдөлгөөний хэрэгцээг хангана. Мөн үүгээр дамжуулан хүүхдийн харилцаа нийгэмшлийн чадварыг хөгжүүлнэ.



02 Багш бүр амьдралын КӨҮЧ буюу ЧИГЛҮҮЛЭГЧ

Сурагч зөвхөн ангийн багшаар хязгаарлагдахгүй, дуртай багштайгаа цаг аван уулзаж, чиглүүлэг зөвлөгөө авах системтэй байна. Ингэснээр багш сурагчдын хооронд хичээл заах, заалгахаас давсан илүү өргөн, гүн гүнзгий харилцаа, өөрийн үлгэр дуурайллыг олох, багш нараа хүндэтгэх соёл бий болно.



04 Өөрсдийн дүрмийг өөрсдөө

Сургууль бол хүүхдийн хувьд хэн нэгний зохиосон орон зайд бусдын дүрмийг мөрдөж өнгөрөөх бус өөрсдийнхөөрөө эрх чөлөөтэй, аз жаргалтайгаар орших “бичил нийгэм” билээ. Иймд хүүхдийн идэвхи санаачлага дуу хоолойг бага гэлгүй сонсдог, туршихыг зөвшөөрдөг, өөрсдийн дүрмээ өөрсдөө хэлэлцэн бүтээдэг орчныг багш бүтээнэ. Энэ хичээлийн жилд сурагчдын зөвлөлөөрөө сурагчдын дүрмийг хэлэлцүүлж байна.

Дугуйлан, секц

Шинэ Монгол сургуулийн нэгэн том соёл бол хүүхэд бүрт хүртээмжтэй дугуйлан секцийн хөтөлбөр юм. Бид хүүхдүүддээ өөрийгөө нээх, өөрийн авьяас чадвар, сонирхлоо турших, сорих олон талбарыг бий болгохын тулд бага сургуулийн 2 дугаар ангиас эхлэн ямар нэг нэмэлт төлбөргүйгээр дугуйлан, секц бүрээс тус бүр нэгийг сонгож хичээллэх боломжийг бий болгож байна.

Бид урлаг, спорт, шинжлэх ухаан, техник, нийгмийн чиглэлийн төрөл бүрийн секц дугуйлангаар дамжуулан хүүхдийн авьяас чадварыг эрт нээхийг зорих ба жил бүр хүүхдүүдийн дунд судалгаа явуулж эрэлт хэрэгцээнд үндэслэн ангийн тоо, багтаамж, төрөлд зохих өөрчлөлт оруулж байх болно.

Дугуйлан секцэд багаасаа тогтмол хамрагдахыг дадал болгох нь хүүхдэд тухайн талбарт хөгжихийн зэрэгцээ бусадтай хамтран ажиллах, манлайлах, тууштай байх, тэвчээр хатуужилтай болох, өөрийгөө дайчлах, цагаа зөв удирдан зохион байгуулах, тэмцээн тоглолтод бэлтгэх, ялж ялагдаж сурах зэрэг олон сайн зан чанаруудыг төлөвшүүлэн хүмүүжүүлдэг тул эцэг эх асран хамгаалагчид дугуйлан секцийн сонголт, явц, тайлан зэрэгт анхаарал хандуулан, урам зориг дэмжлэг өгөх байдлаар ач холбогдол өгч хамтран ажиллахыг уриалж байна.

01 Дугуйлан

- Гитар
- Төгөлдөр хуур
- Морин хуур, шанз, ятга, ёочин, хуучир
- Зураг
- Гар урлал
- Бяцхан судлаач
- Program coding
- Robokids
- IELTS

02 Секц

- Сагс
- Воллейбол
- Хөл бөмбөг
- Ширээний теннис
- Шатар
- Спортын гимнастик
- Бадминтон
- Карате

г.м



Сурагчдын зөвлөл-СӨҮЗ

Шинэ Монгол 3 сургуулийн хувьд бага ангийн сурагчид ч дунд ахлах сургуулийн сурагчдаас ялгаагүй Сурагчдын зөвлөлтэй байх бөгөөд анги бүрээс, чиглэл болгонд 1-3 сурагч хамрагдаж, 1-5-р ангийн босоо сурагчдын зөвлөлтэй байна.

Хамгийн ахмад анги буюу 5-р ангийн сурагчид удирдан чиглүүлнэ. Тухай бүрийн чиглэлээр сурагчид сургууль доторх аливаа үйл ажиллагааг өөрсдөө төлөвлөж, сурагчдын төлөвлөсөн үйл ажиллагаа сургууль дээр хэрэгжинэ.

Зөвлөл нь хүүхдийг бусадтай хамтрах, мэргэжлийн чиг баримжаагаа өөрөө тогтоох зэрэг бодит туршлага хуримтлуулах хамгийн амьдралд ойрхон практик болж чаддагийг Япон сургуулиудын туршлагаас харж болдог. Бид сурагчид аливаа туршлагыг сургууль дээрээ хуримтлуулж, өөрийгөө нээн таних боломжийг олгохын тулд сурагчдын зөвлөлийг сургууль нийтээрээ, хүүхэд бүрийг заавал хамруулах хэлбэрээр хэрэгжүүлнэ.

Зөвлөлүүд:

- Ангийн дарга нарын зөвлөл
- Номын сангийн зөвлөл
- Эрүүл мэндийн зөвлөл
- Сургуулийн орчны зөвлөл
- Эрүүл хооллолтын зөвлөл
- IT технологийн зөвлөл
- Эко зөвлөл
- Соёлын зөвлөл
- Хэвлэл мэдээллийн зөвлөл
- СИИ хөтөлбөр хариуцсан зөвлөл



Өдрийн хуваарь & Сургуулийн автобус

- ❑ ХИЧЭЭЛЛЭХ ЦАГИЙН ХУВААРЬ
- ❑ АВТОБУСНЫ МАРШРУТ



Шинэ Монгол-3 сургууль нь тогтмол, тогтвортой үйл ажиллагаа болон зохион байгуулалт сайтай орчин нь хүүхдүүдийн хөгжлийн үндэс гэж үздэг. Бид өдрийн хөтөлбөрөө бүтэцлэхдээ зохион байгуулалттай суралцах үйл ажиллагаа, чөлөөт тоглох цаг, амралт болон судлан шинжлэх боломжуудыг тэнцвэртэй хослуулахыг зорьсон. Ингэснээр хүүхэд бүрийн бага насны сургуулийн амьдрал хамгийн үр дүнтэй, дурсамжтай, баялаг болох боломж бүрдэнэ гэж үзэж байна.

Өдрийн хуваарийн ерөнхий төлөвлөгөө (Жишээ)


Цаг	Үйл ажиллагаа	Тайлбар
7:30 – 7:40	Сургуульдаа ирэх	Сургуулийн үүд 7 цагт нээгдэнэ.
7:50–8:00	Ангийн цаг	
8:00 – 8:40	Хичээлийн цаг №1	-
8:45 – 9:25	Хичээлийн цаг №2	-
9:25–9:40	Дасгалын цаг	
9:45 – 10:25	Хичээлийн цаг №3	-
10:30 – 11:10	Хичээлийн цаг №4	
11:15 – 11:55	Их завсарлагаа (Үдийн хоол + Амралт ба тоглох цаг)	
12:00 – 12:40	Хичээлийн цаг №5	-
12:45 – 13:25	Хичээлийн цаг №6	
13:30 – 14:10	Хөгжүүлэх/бие даан суралцах цаг	Зөвхөн 2-5-р ангиуд
14:15 – 14:55	Хөгжүүлэх/бие даан суралцах цаг	Зөвхөн 2-5-р ангиуд
15:00	Хичээл сургалтын үйл ажиллагаа дуусна.	



Дээрх хуваарь нь хүүхдийн насны онцлогт тохируулан, хэт ачаалалгүйгээр өдрийн турш амралт, завсарлага, хичээлийг тохиромжтой хэмжээгээр оруулан төлөвлөж гаргасан хуваарь ба бага ангийн, ялангуяа 1-2 дугаар ангийн сурагчид маань хуваарьтаа дасах хүртэл тодорхой хугацаа шаардаж болно. Иймд та хүүхдэдээ дараах дадлыг хэвшил болгоход анхаарч өгөөрэй. Үүнд:

- Орой 9 цаг гэхэд унтдаг байх
- Өглөө эрт босч, хичээлдээ хоцролгүй ирж хэвших
- 1-2-р ангийн сурагч өөрсдөө бие даан хувцаслаж сурсан байх

Сургуулийн автобус



Маршрутын мэдээлэл (2025-2026 оны хичээлийн жилийн жишээ):

1. ШМЗ-Яармаг-Зайсан
2. ШМЗ-Нүхт
3. ШМЗ-Яармаг- 120 мянгат- Баянмонгол хороолол
(хүүхдийн тооноос хамаарна)
4. ШМЗ-Яармаг-Гурвалжингийн гүүр- 3,4 хороолол-Хангай хотхон хавийн бүс (хүүхдийн тооноос хамаарна)
5. ШМЗ- Сонсголон - 1-р хороолол- Саппоро

Сургуулийн автобусны маршрут тухайн жилийн сурагчдын автобусны судалгаанд үндэслэн гаргана. Автобусын үйлчилгээнд хамрагдах судалгаа, төлбөрийн мэдээллийг 8-р сард илгээх болно.



Хүүхдийнхээ сэтгэл зүйг хэрхэн бэлтгэх вэ?

3. ХҮҮХЭД ХҮМҮҮЖЛИЙН ЭЭРЭГ АРГА БАРИЛ

Хүүхдээ өсгөж, хүмүүжүүлэх явцдаа гаргасан алдааны үр дагавар хэдэн жилийн дараа танд эргэн ирдгийг бодож үздэг үү?

“Хүүхдэдээ бөмбөг авч өгөх нь нэг хэрэг, харин хамтдаа бөмбөгөөр тоглох нь огт өөр зүйл” гэдгийг эцэг эхчүүд байнга санаж, хэрэгжүүлж явах учиртай билээ.

Та хүүхдэдээ хамгийн үнэтэй, чанартай, сайхан тоглоом авч өгч болох ч хүүхэд тань түүгээр жаахан тоглоод л уйдна. Хүүхдийн хувьд хамгийн чухал зүйл бол аав ээжтэйгээ хамт өнгөрүүлсэн цаг мөчүүд байдаг бөгөөд энэ цаг хугацааг чанартай, аз жаргалтайгаар өнгөрүүлэх эсэх нь зөвхөн эцэг эхчүүдийн гарт байдаг.

1 ЭЕЛДЭГ БА ТУУШТАЙ

Эелдэг байна гэдэг нь хүүхдээ хүмүүжүүлэхдээ тэдний онцлогийг ойлгон, зөв харилцахыг хэлнэ. Харин тууштай байна гэдэг нь нөхцөл байдлыг ойлгон, тууштай шийдвэр гаргана гэсэн үг юм.

2 ХҮҮХДИЙНХЭЭ ХЭРЭГЦЭЭГ ОЙЛГОДОГ

Хүүхдийнхээ юу хүсэж байгааг ойлгох. Томчуудын адил хүүхэд үргэлж хэн нэгнээр хайрлуулж, анхаарал, халамжид байхыг хүсдэг. Хүүхдийг хайхрахгүй, анхаарахгүй байснаар хүүхэд бусдыг шоглох, анхаарал татахын тулд буруу үйлдэл хийж эхэлдэг.

3 ХҮҮХЭД ЮУ ХИЙХ ЧАДВАРТАЙГ НЬ ОЙЛГУУЛДАГ

Хүүхэд өөрийнхөө чадварыг таньж мэдэн, гэр бүл, нийгэмдээ юу хийж чадахыгаа ухаарч ойлгоход нь туслаарай. Ингэснээр хүүхэд өөртөө итгэлтэй, бусдын төлөө гэсэн сэтгэлтэй болно.

4 ХҮҮХЭДЭДЭЭ АМЬДРАХ УХААН СУУЛГАДАГ

Хүүхдийг хүмүүжүүлэх гэдэг нь хүүхдэд амьдрах ухааныг суулгахыг мөн хэлнэ. Амьдрах ухаан гэдэг нь асуудлыг шийдвэрлэх чадвар, эргэцүүлэн бодох чадвар, сонсох чадвар, харилцах чадвар, өөрийгөө тайвшруулах чадвар зэргийг хэлнэ. Мөн ямар нэг асуудалтай тулгарсан үед хэрхэн шийдвэрлэх талаар өдөр тутамдаа ярилцаж, хүүхэдтэйгээ тохиролцсон байх нь чухал. Төөрсөн, гамшиг учирсан гэх мэт тусгай тохиолдол дээр ярилцаад гэр бүлийн шийдлээ хамтдаа гаргаад үзээрэй.

ДҮГНЭЛТ БУЮУ БЯЦХАН ЗӨВЛӨГӨӨ

- Дасан зохицоход шаардлагатай дээрх нөхцөлүүдийн талаар хүүхдийн өөрийнх нь төсөөлөл, ойлголтыг яриулж, тайлбарлаж өгөөрэй.
- Хүүхдийн хийж бүтээж байгаа үйл болгонд нь урам дэм өгч, өөртөө итгэх итгэлийг нь дэмжээрэй.
- Хүүхдийнхээ сайн, мууг өөчилж хэлэхээсээ илүү чадаж байгаа зүйлийг нь бахархан хэлээрэй.
- Хүүхдийн орчинтойгоо харилцах харилцаанд илэрч буй өөрчлөлтүүдийг ажиглан, шалтгаан, үр дагаврын талаар тэдэнтэй ярилцаж, учирлан ойлгуулаарай.
- Сургуульд мөрддөг дэг журмын талаар тайлбарлаж өгөөрэй. Тухайлбал: Ангидаа дэг мөрдөхгүй бол замбараагүй байдал бий болох, шуугилдах, бусадтайгаа муудалцах, мөргөлдөх, гэмтэл бэртэл авах, хичээлээ ойлгохгүй байх, ядрах гэх зэрэг сөрөг нөлөөтэйг таниулаарай.
- Өөртөө үйлчлэх чадваруудыг эзэмшүүлээрэй. Хүүхэд сургууль дээр ирээд, өөрийн хийж чадахгүй зүйлтэй тулгарах үедээ хичээлдээ явах дургүй болох, айдаст автах, цаашлаад сурлагаар хоцрогдох шалтгаан болдог учраас насанд нь тохирсон чадварыг заавал эзэмшүүлээрэй.

Зуны амралтаар юуг сурч ирэх вэ?

Та бүхэн зуны амралтын хугацаандаа дараах зүйлсийг хийж, хүүхдэдээ дадал хэвшил болгон ирвэл сургуулийн амьдралд тустай байх болно.

- Агаарт гаргах, амин дэмтэй хоол хүнс хэрэглэх зэргээр биеийн дархлааг дэмжиж, чийрэгжүүлэх
- Нүд, шүдний үзлэгт хамруулж, шаардлагатай бол эмчилгээ хийлгүүлсэн байх
- Хувцсаа бусдын тусламжгүйгээр өөрөө өмсөж, тайлж сурсан байх
- Хувцсаа эвхэж, эмх цэгцтэй тавьж сурсан байх
- Цамц болон хувцсаа товчилж сурсан байх
- Өмднийхөө цахилгааныг татаж, тэлээг тэлээлж сурсан байх
- Гутлынхаа үдээсийг үдэж сурсан байх
- Бие дааж биеэ засаж сурсан байх
- Өглөөний цай, шингэн зүйл ууж дадсан байх
- Цэвэр хооллох, аяга тавгаа хурааж сурсан байх
- Нүүр гар, шүдээ тогтмол угааж дадсан байх
- Өөрийнхөө эд зүйл, хичээлийн хэрэглэгдэхүүнийг хэрэглээд буцааж байранд нь тавих зэргээр өөртөө үйлчилж сурсан байх
- Эд зүйлдээ арвич хямгач дадал суулгах



ДҮРЭМТ ХУВЦАС

Бага сургуулийн дүрэмт хувцсын загварыг танилцуулж байна.

Дүрэмт хувцсыг 2026 оны 8 дугаар сарын сүүлээр заасан өдрүүдэд сургууль дээрээс ирж худалдан авах боломжтой.

01 ЭРЭГТЭЙ

Үндсэн форм:

1. Цагаан поло цамц-ханцуйтай/ханцуйгүй
2. Жилетка-ханцуйгүй
3. Өмд/-ногоон шоотой

02 ЭМЭГТЭЙ

Үндсэн форм:

1. Цагаан поло цамц-ханцуйтай/ханцуйгүй
2. Жилетка-ханцуйгүй
3. Юбка-ногоон шоотой

03 БИЕЙН ТАМИРЫН ХУВЦАС:

1. Өмд цамцны хослол
2. Цагаан футболка



- Сургууль дотор сольж өмсөх хөнгөн гутал - "MOON STAR" Япон гутлыг нээгдсэн журмаар дотор гурлаар ашигладаг. хөлд эвтэйхэн, чийг татдаггүй, хар зураас гаргадаггүй давуу талтай
- Биеийн тамирын пүүзийг өөрсдөө бэлдэн ирнэ хөлд хөнгөн, нимгэн ултай байх
- Охид цагаан өнгийн трико өмсөнө



01 Хичээлийн хэрэгслийг бэлтгэх

02 Дүрэмт хувцсыг бэлтгэх

03 Хичээлийн цүнхийг бэлтгэх

ХИЧЭЭЛИЙН ХЭРЭГСЭЛ

Хичээлийн шинэ жилд зориулан хүүхдэдээ дараах хэрэгслийг бэлтгэхийг зөвлөж байна.

1. Дөрвөлжин болон хос шугамтай (элементийн) 12 хуудастай дэвтэр
2. Дэвтрийн хавтас (зураггүй)
3. Цэнхэр өнгийн үзгэн бал (0.38 мм, арилдаг үзгэн бал биш) -
4. Амархан хугараад байхааргүй өнгийн харандаа
5. Балын харандаа (үзүүрлэдэг, модон)
6. Харандаа үзүүрлэгч
7. Баллуур (зөөлөн байх)
8. Зургийн дэвтэр (12 хуудастай, А4)
9. Хайч (үзүүр нь мохоо, хамгаалалттай байх)
10. Цавуу (шингэн цавуу биш)
11. Баримлын шавар (агаарт хатдаг)
12. Баримлын шаврын хулдаас
13. Өнгийн цаас (15 x15 хэмжээ бүхий ам дөрвөлжин)
14. Шугам (20 см) - 1 ширхэг



Хүүхдийн бүхий л эд зүйлсийг хүүхдийн үе (Шинэ Монголо 3 Сургууль бусад салбар сургуулийн адил үеийн системээр явна) болон нэрээр хаягжуулсан байна. Энэ нь эд зүйлсээ гээгдүүлэх, дахин худалдан авах шаардлага үүсэхээс сэргийлэхээс гадна хүүхдийг хариуцлагатай байдалд сургах ач холбогдолтой.

Үйл ажиллагааны үнийн мэдээлэл

№	ТӨЛБӨРИЙН ТӨРӨЛ	ТӨЛБӨРИЙН ХЭМЖЭЭ	ТАЙЛБАР
1	Сургалтын төлбөр	10,500,000₮	Анги хамаарахгүй.
2	Eschool	40,000₮	Анги хамаарахгүй.
3	Эрүүл мэндийн даатгал	10,000₮ - 20,000₮	Даатгалын нөхцөлөөс шалтгаалаад үнэ тогтоно.
4	Дүрэмт хувцас	200,000₮ - 300,000₮	Загвар болон хэмжээнээс хамааран үнэ хэлбэлзэнэ.
5	Тамирын хувцас	100,000₮ - 150,000₮	Наснаас хамаарч үнийн дүн өөр байна.
6	Сургуулийн гутал	80,000₮ - 150,000₮	Үнийн дүн нь размераас хамааран өөр байна.
7	Хоолны төлбөр	10,000₮ - 13,000₮	1 өдрийн төлбөр
8	Сүү хөтөлбөр	1,200₮	1 өдрийн төлбөр
9	Ном, сурах бичгийн төлбөр	50,000₮ - 500,000₮	Oxford, сурах бичиг болон сургалтын материалууд
10	Амьдрах чадварын хөтөлбөр	100,000₮ - 300,000₮	Уг үнийн дүнд эрүүл мэндийн шинжилгээ, автобусны болон хөтөлбөрийн төлбөр багтах бөгөөд хөтөлбөрөөс хамаараад үнэ хэлбэлзэнэ.

Нэмэлт тайлбар: Дээрх үнийн дүнд тусгагдаагүй зарим зардлууд нэмэлтээр гарах боломжтой.





Эрүүл хооллолтын бодлого

Шинэ Монгол 3 сургуулийн хоолны газар нь нийт 14 хүний бүрэлдэхүүнтэйгээр Монгол улсад мөрдөгдөж буй стандарт, шаардлагыг баримтлан сурагчдын эрүүл мэнд, биеийн онцлогт тохирсон хоол хүнсийг үйлдвэрлэн үйл ажиллагаагаа явуулж байна.

Мөн хоол үйлдвэрлэлийн үйл ажиллагаанд стандарт, шаардлага хангасан орчин үеийн тоног төхөөрөмжийг ашигладаг.

Түүнчлэн цахим төлбөрийн системийг ашигладаг бөгөөд хоолны мэдээлэл нь сурагч болон эцэг эх, асран хамгаалагчдад нээлттэй байдаг давуу талтай.

Сурагчдын өдрийн хоолыг уламжлалт хоол хүнсэнд тулгуурлан 7 хоног тутамд шинэчилсэн цэсийн дагуу бэлтгэдэг. Олон төрлийн тэжээллэг, чанартай хүнсний бүтээгдэхүүнийг сонгон авч, хадгалалт болон боловсруулалтын нарийн технологийг мөрдөн ажилладаг.



Өдрийн хоолны мэдээлэл

- ❑ Хичээлийн жил эхлэхэд хүүхэд бүрт өдрийн хоолны хөтөлбөрт хамрагдах бөгөөд зарлага гарах боломжтой eSchool системтэй холбогдсон төлбөрийн карт олгогдоно.
- ❑ Хоолны төлбөрийн нэхэмжлэлийг улирлаар эцэг эхийн e-PARENT аппликэйшн рүү илгээх ба эцэг эх, асран хамгаалагч өөрийн эрхээр орж төлснөөр хүүхдэд олгогдсон карт цэнэглэгдэнэ.
- ❑ Цэнэглэсэн дүнгээс ашиглаагүй дүн дараагийн улиралд автоматаар шилжин ашиглагдана.
- ❑ Өдөр бүрийн сет хоолны зурган мэдээлэл эцэг эхийн аппликэйшнд мэдээлэгдэнэ.



**Хувцаслалт &
Цахим
хэрэглээний
бодлого**

Хувцаслалт



- Бүх сурагч сургууль руу ороходоо гадуур гутлаа тайлж, дотор гутлаа өмсөнө.
- Үүний дараа локерын хэсэгт очин гадуур хувцас, гутлаа өөрийн хувцасны шүүгээнд хийж, хөлд эвтэйхэн, чийг татахгүй, хар зураас гаргадаггүй гутал сольж өмсөнө. Бүх сурагч сургуулиас баталсан дүрэмт хувцсыг заавал өмсөнө.
- Дүрэмт хувцсыг тогтмол угааж, индүүдэн цэвэр өмсөнө.
- Эмэгтэй сурагчид цагаан трико өмсөнө.
- Биеийн тамир, бүжгийн хичээл, дугуйлан секцэд зориулалтын гутал хувцсыг өмсөнө.
- Нүүр, үс, хумсыг будахгүй.
- Урт үстэй хүүхдүүд үсээ бооно.
- Үсийг этгээд хэв маягаар засахгүй ба хичээл хийхэд саад болохуйц нүүр рүү унжуулахгүй бооно.
- Овор хэмжээтэй гоёл чимэглэл зүүхгүй.
- Гарын ариун цэврийг сахих ба хумсыг 2мм-ээс илүү ургуулахгүй.
- Сургууль дотор гадны гутал, хувцас, малгайтай явахгүй.
- Амралтын өдрүүдээр сургуулийн гутлаа авч явж угааж цэвэрлэнэ.

Гар утас, ухаалаг төхөөрөмжийн хэрэглээ

Орчин цагийн хүмүүсийн томоохон асуудал бол цахим хэрэглээний хамаарал билээ. Дэлгэцийн хэт их хэрэглээ нь хүүхдийн нойрны чанарт 90% нөлөөлдөг гэсэн судалгаа байдаг бөгөөд анхаарал төвлөрөх хугацааг бууруулж суралцах чадварт сөргөөр нөлөөлөх, цаашлаад сэтгэл түгшил бий болгох, нийгмээс тусгаарлагдах хандлагыг нэмэгдүүлж буй.

Иймд та бид хүүхдүүддээ бага наснаас нь дэлгэцийн хамаарал үүсгэхээс сэргийлж, сургуулийн болон сургуулийн бус цагаар ухаалаг төхөөрөмжийн хэрэглээг зохистой түвшинд байлгах, нөлөөлөл багатай орчинг үүсгэх, мэдээлэл мэдлэгийг олгох, үлгэрлэн үзүүлэх зэргээр хамтран ажиллах шаардлагатай байна.

Шинэ Монгол-3 сургууль нь бага ангийн сурагчдад сургууль дээр ухаалаг утас ашиглахгүй. Бодит ертөнц дэх амьд харилцаа, ярилцлага, хамтын бүтээлч үйл ажиллагааг технологиос түрүүнд тавьж, цахим хэрэглээтэй холбоотой эрсдэл, хувийн мэдээллийн хамгаалал, ёс зүйтэй хэрэглээний талаарх анхан шатны мэдлэгийг олгож ажиллах болно.

• Зөвшөөрөгдсөн гар утасны төрөл

Бага бангийн сурагчдад сургууль дээр зөвхөн энгийн үйлдэлтэй буюу товчлуууртай утас ашиглахыг зөвшөөрнө.

• Гар утас ашиглах ба ашиглахгүй цаг

Хичээл, сургалтын болон хичээлээс гадуурх үйл ажиллагаанаас бусад үеэр гар утсаа ашиглахыг зөвшөөрнө. Сурагч зөвшөөрөгдөөгүй цагт гар утсаа хэрэглэсэн тохиолдолд багш тухайн цагийн туршид түр хурааж авч болно.

• Зайлшгүй холбоо барих тохиолдол

Хүүхэд гар утсаа унтраасан үеэр ар гэрээс нь холбогдох шаардлага үүссэн нөхцөлд сургуулийн дотуур утасруу холбогдоно.

• Эцэг эх, асран хамгаалагчийн үүрэг

Эцэг эх, асран хамгаалагч нь хүүхдэдээ зөвхөн өөрийнх нь нэр дээр бүртгэлтэй гар утасны дугаарыг ашиглуулна.

Гэр бүлийн орчиндоо ухаалаг төхөөрөмж, цахим хэрэглээний зохих хязгаарлалтыг бий болгож, нийгмийн сүлжээ зэргийн сөрөг тал ба аюулыг хүүхдэдээ сайтар зааж өгч, өөрсдөө үлгэрлэн нөлөөлөх нь чухал юм.



Эцэг эх, асран
хамгаалагчийн
оролцоо



Шинэ Монгол-3 сургууль нь эцэг эх, асран хамгаалагчдадаа хүүхдийнхээ сургуулийн үйл ажиллагаанд оролцож, тэднийхээ насан туршийн дурсамжид үлдэх олон талт боломжийг нээхийг зорьж байна.

Эцэг эхийн оролцооны боломжууд



- **Эцэг эхийн зөвлөл**

Сургууль нь эцэг эхийн зөвлөлтэй байх бөгөөд төрөл бүрийн үйл ажиллагаанд эцэг эхийн зөвлөлөөр дамжуулан хамтран ажиллана.

- **Эцэг эхийн туршлага хуваалцах яриа**

Төрөл бүрийн онцлог бүхий мэргэжилтэй эцэг эхчүүд сурагчдад өөрийн мэргэжлээ танилцуулах өдөрлөгт оролцох, эцэг эхчүүд багт хуваагдан, хүүхдийнхээ ангид өглөөний цагаар ном унших зэрэг сайн дурын үүрэг гүйцэтгэх боломжийг бий болгоно.

- **Хичээлтэй танилцах, нөөц бололцоогоо ашиглах**

Хүүхдийнхээ ангийн хичээлд сууж, анги дээрээ хэрхэн бусадтайгаа харилцдаг болон хичээлдээ хэрхэн оролцдогийг ажиглах боломжтой байна.



Хөршийн холбоонд суурилсан хамтын ажиллагаа

- **Сургууль нь хотхоны соёлын төв**

Сургууль нь хотхоны оршин суугчдад тодорхой хэмжээнд нээлттэй байх ба номын санг ашиглах, хотхоны оршин суугчдын өдөрлөгийг зохион байгуулахад анги танхимыг ашиглахад нээлттэй байх зэргээр хамтран ажиллана.

- **Байгаль, хүнд ээлтэй амьдралын хэв маягийн хэв маяг**

Хүрээлэн буй орчноо сайжруулах иргэн хүний оролцооны ач холбогдлыг хүүхдүүд гэр бүлээрээ практик дээр хамтдаа суралцаж, хэрэгжүүлэх боломжуудыг эрэлхийлнэ. Хоггүй хотхоныг бий болгож, хүн болгоны оролцоон дээр бий болдог байгаль орчны асуудлуудыг хамтдаа шийдвэрлэхийг зорино.





ШИНЭ 
ESTD 2000
МОНГОЛ 

ЕРӨНХИЙ БОЛОВСРОЛЫН СУРГУУЛЬ

Хүүхэд бүрийн онцгой чанарыг ургуулна.

Холбоо барих:

Мэдээлэл авах: 72990003

Санхүүгийн хэлтэс: 72990003 /5/

www.shinemongol3.edu.mn

hello@shinemongol3.edu.mn

Хаяг:

Монгол Улс, Улаанбаатар хот, Хан-Уул
дүүрэг, 8-р хороо, Неосити хотхон